

## **Bitcoinip & Bitclub networkillu akileraarusersornissaannut ilitsersuut**

Ilitsersuutip siunertaa tassaavoq Bitcoin akileraartarnikkut qanoq pineqassanersoq.

### **Bitcoin sunaana**

Bitcoin assingusullu aningaasat (valuta) tassaapput qarasaasiatigut aningaasat (virtuel valuta) imaluunnit aningaasat paasiuminaallisakkat (kryptovaluta). Aningaasat taamatut ittut assigiissutaat tassaavoq naalagaaffiup aningaaserivianut arlaannaannulluunniit attuumassuteqannginnerat, taamaattumillu aningaasat pillugit politikkit nalikilliarortoqassagaluarpat ikiorsiisinaanatik. Bitcoin qarasaasiatigut toqqorsivinni siammartikkani toqqortaatigineqartarput, taamatullu toqqorterineq blockchain-imik taaguuteqarpoq. Bitcoin aningaasaliissutitut akiliissutitulluunniit pisiarineqarsinnaavoq aamma qarasaasiakkut aamma qarasaasiakkuunngitsumik nioqqutinik sullissinernillu atorineqarsinnaavoq.

Blockchainip nuussinerit tamaasa nalunaarsortarpai, nuussinerillu nuussinermit siullerpaamut kingumut tamaasa takuneqarsinnaapput. Nuussinerit tamarmik aningaasivinnut qarasaasianukartinneqartarput tassanngattaaq nuunneqartarlutik, taakkulu aningaasiviit nalinginnaasumik suussusersineqarsinnaasaratik. 2017-imi USA-mi Bitcoinip pilersuisut sullissaasa toqqorsivianit paasisutissat pillugit akileraartarnermut oqartussanut tunniussisussaataannissaannut eqqartuussivimmi aalajangerneqarpoq. Taamaaliornikkut akileraartarnermut oqartussat nuussinerit pillugit tamakkiisumik takunnissinnaalerput, taamaalillutillu akileraartitsinikkut eqqortumik ingerlatsisinnaangorlutik.

### **Bitcoinip akileraarusersornera**

Valuta ataatsimut nalinginnaasumut taarsiullugit Bitcoinip atorlugit aningaasat nalinginik iliuuseqarnerit naalagaaffiup aningaaseriviani valutatut isigineqarput naatsorsorneqartarlutillu. Assersuutigalugu bitcoinip akissarsititsisoqarpat taakku akileraarutigineqartussaapput. Taamaammat sulisitsisoq tunngaviatigut Danske kronit atorlugit nalunaaruteqartassaaq, taamatuttaaq innuttaasup nammineerluni nalunaarsugaasani tamanna atuuppoq.

### **Inuussutissarsiummik ingerlataqarneq imaluunniit iluanaarniapilunneq**

Aningaasalerineq tunngavigalugu valutat piviusuusaartitat amerlanerpaat, taakkununga Bitcoin ilanngullugu, iluanaarniapiluutitut isigineqarput. Bitcoin allallu niuerutiginerat atorneralluunniit iluanaarniapilunnertut imaluunniit inuussutissarsiummik ingerlataqarnertut isigineqassanersut akileraartarnikkutnalilersuinernut atatillugu Akileraartarnermut Aqutsisoqarfiup suliat tamaasa aalajangersimasumik ataa-siakkaarlugillu suliarisassavai.

### **Akilerartarnermut atatillugu inuussutissarsiummik ingerlataqarneq**

"Inuussutissarsiummik ingerlataqarneq" ima paasineqassaaq, akilerartussaataasooq Bitcoininik allanillu assingusunik niueruteqarnikkut inuussutissarsiutigalugu Bitcoininik tuniniaanikkut iluanaaruteqarneq.

### **Iluanaarniapilunneq**

"Iluanaarniapilunneq" ima paasineqassaaq, Bitcoinip allatulluunniit aqqissuussaqaarnikkut niuernani ataa-siakkaanilli iliuuseqarluni iluanaarniarluni taassuma ilaattulluunniit siunertaqarneq. Taamatut iliuuseqarne-rit pineqartup inuussutissarsiornerata ilaginngilaa.

### **Bitclub Network**

Bitclub Network Kalaallit Nunaanni siammarsimanera Akilerartarnermut Aqutsisoqarfiup ilisimavaa. Tas-sunga atatillugu Akilerartarnermut Aqutsisoqarfik aningaasanoorutitut oqartussanut paasiniaavoq Bitclub Network aningaasanoorutitut aalajangersimasut pillugit Kalaallit Nunaannut inatsimmi § 11 naapertorlugu pyramidespilluunersooq, tassa aalajangersimasumik tuniniaanissamut aqqissuussaannersooq. Taamaammatt tamanna pillugu allanik apeqqutit aningaasanoorutitut oqartussanut nassiuteqquneqarput.

### **Ersarissaaneq siunissarlu**

Bitcoin allallu aningaasat paasiuminaallisakkat suli nutaajupput sulilu ineriartorlutik. Akilerartarnermut Aqutsisoqarfik ineriartornermut malinnaaqqissaassaaq pisariaqartitsinerlu naapertorlugu ilitersuusiussal-luni.